

propter naturae varietatem fructum producere diversum; nam apud favum mellis, araneus venenum, et virus elicit. Arca testamenti, huius divini sacramenti figura, trium mensium spatio apud Obededom hospitio excepta, ipsi, et domui eius magam attulit utilitatem, et felicitatem, ut constat ex Scripturae verbis, aientis (1. Reg. 6): *Et benedixit Deus Obededom, et omnem domum eius; eadem tamen arca septem menses apud Philistaeos commorante, non solum benedictionem Dei non accepit Philistaei, sed graviter a Deo maledicti, supplicia divinitus immissa subierunt. Cuius differentiae nulla alia ratio fuit, nisi hospitii dissimilitudo, quoniam Obededom magna cum reverentia, Philistaei ita irreverenter arcam Dei susceperunt, ut illum in eodem altari, ubi erat eorum Idololum, locaverint. Ita nunc divinum hoc sacramentum *Mors est malis, vita bonis*, propter diversam illorum dispositionem, et reverentiam inaequalem, qua illud assumpunt: quidam enim Deo grati humiliter, et reverenter, sicut Obededom; alii Deo invidi, sicut Philistaei, divinum hoc sacramentum collocant intra pectora plena peccatis, et vitii, quae ab ipsis non secus cogitant, quam Idola. Huiusmodi hominibus ita indignae ad Eucharistiam accedentes, vita huius sacramenti mors est, sicut bonis vera vita. In quo sensu interpretor verba Exodi, ubi dicitur agitur de panibus propositionis, qui typus sacri Iustus panis fuerunt, vulgata editio habet: *Panis propositionis*; et textus Hebraeus legit: *Panis facierum*, quae translatio quamvis dici optime queat, *Panem facierum* appellari hoc sacramentum, quia Christus ibi absconditus faciem Dei, et hominis habet; est tamen magis e re nostra, si dixerimus, hoc sacramentum ideo nominari *Panem facierum*, quoniam puris, et bonis ostendit Christus in hoc pane vultum placabilem, impuris, atque indignis horribilem, estque illis mel dulcissimum, his fel amarissimum: ac demum, ut dicit d. Thomas: *Mors malis, vita bonis*. Similis huius cibo fuit virtus verborum Christi, dicens (Mar. 14): *Ego sum*, quae verba venientes ut ipsum comprehenderent, terruerunt, et prostraverunt; discipulos autem exererunt, et roborarunt, cum dixit (Mat. 14): *Ego sum, nolite timere*. Quenam admodum igitur illud, *Ego sum*, variam habuit virtutem pro qualitate eorum, quibus dictum fuit; ita hic vivens cibus non aliud est, quam quod nostra dispositio meretur, ut sit: nam si dispositio est mala, mors est malis; si bona, vita bonis: *Vide panis sumptionis, Quam sit dispar effectus*.*

HOMILIA XXII.

Variis locis sacrae Scripturae veritatem existentiae corporis Christi in hoc sacramento demum comprobamus, ac de necessaria munditia ad eius receptionem nonnulla tradimus.

Eximiam huius mirabilis sacramenti difficultatem, praeter omnia superius dicta, non obscure mihi indicare videntur verba illa Sponsae (Cant. c. 2): *En ipse stat post parietem nostrum, respiciens per fenestras, prospiciens per cancellos*. Non me latet d. Gregorium (super hunc loc.) parietis nomine intelligere Christi humanitatem, sub qua divinitas delitescbat; ad quem parietem quidam non infirmi nominis auctores se convertisse regem Ezechiam autumant, quando, ut ait, sacer textus, *Conversus ad parietem, oravit Dominum*. Alii tamen perdocti expositores hunc locum interpretantur de Christo Domino sub pariete accidentium panis et vini latitante: *En ipse stat post parietem nostrum*. Quibus verbis innuit Sponsa, quam absconditus adsit Christus in hoc sacramento, cum comparet illum cum existente post parietem, qui a nemine videri potest. Cui interpretationi consonant verba Isaiae (cap. 53): *Vere tu es Deus absconditus*. Certo Deus, ut auctor naturae est, licet comprehendi non possit, absconditus tamen non est lumini naturali, Apostolo dicente: *Invisibilia Dei per ea, quae facta sunt, intellecta conspiciuntur*. Quamvis etiam arca Dei consilia abscondita sint, saepe tamen amici Dei patent ex divina liberalitate: unde Dominus dicebat: *Nunquid potero celare Abraham quod facturum sum?* Prophetis etiam persaepe abditissima sua secreta aperiebat: in caelesti deinde patria, quamvis beati non cognoscant Deum quantum cognoscibilis est, clare tamen vident omnem entitatem tam absolutam, quam relativam ad intra, ut loquuntur Theologi, iuxta illud Ioannis (c. 3): *Cum apparuerit, similes ei erimus, quia videbimus eum sicuti est*. Quid plura? Quamvis Apostolus (ad Ephes. 3) loquens de Verbo incarnato, voec investigabiles divinitas Christi, et mysterium absconditum a saeculis; quaedam tamen adeo divina opera Christus Dominus patrabat ad confirmationem veritatem suae divinitatis, nimirum revelationem cogitationum cordis, mortuorum resurrectionem, et portentosa alia miracula, ut ex illis hand difficile deprehenderetur non purus homo, sed pariter Deus esse. Ac tandem, ut plura paucis comprehendam, absconditus erat Christus in porticu Bethlehem, sed angelicaster (Luc. 2): *Gloria in Altissimis Deo, et pastores divino lumine illustrati festinant ad praeseptum adeuntes, latentem infantis divinitatem detegebant. Absconditus erat circumcissionis vulnere cruciatus, quod solum peccatoribus intelligi solebat, sed ibi eius divinitas manifestatur, dum ei nomen Iesu imponitur, quod *Salvator* interpretatur. Absconditus*

adhuc latebat intra bethlehemiticam speluncam, et ecce reges ad illum, tanquam Deum, et hominem adorandum e longinquis regionibus adventarunt. Ubi denique magis absconditus Deus, quam in abiectione crucis patibulo mortem sustinens? Innumera tamen prodigia, ut solis obscuratio, petrarum scissio, monumentorum reseratio, corporum resurrectio ita aperte divinitatem eius contestata sunt, ut Centurio illa observans, in ea prorumpens verba (Matth. 27): *Vere Filius Dei erat iste*, et quantum homo absconditus fuerit, non tamen semper prospiciebat per cancellos, ita ut videri non posset, sed quoadque respiciebat per fenestras, per quas et videbat, et videbatur. In hoc tamen abditissimo Eucharistiae sacramento: *En stat post parietem, prospiciens per cancellos*; nunquam tamen respicit per fenestras adeo, ut etiam supremus seraphinus totum conatum suae naturalis facultatis adhibens, secretissimum hoc mysterium intelligere non valeat. Verbis enim consecrationis tam mira inest virtus, ut substantiam panis in corpus Christi convertant, nulla prorsus in pane externa, et sensibili mutatione facta, unde conversio substantiae panis in corpus Christi quomodo subodorari possit. Parva deinde quantitas modici panis, et quaelibet etiam minima particula, magnae molis integrum Christi corpus capit, accidentia sine subiecto illa sustinente, natura mirante conservantur: fractis speciebus non dividitur, nec frangitur Christi corpus, deficiente substantia panis, non minus cibabit hostia consecrata, quam si panis substantia addeset: ac tandem Christus Dominus coeli cacumina tenens, ab eo nunquam recedens, substantialiter adest, secundum realem, ac veram praesentiam in singulis hostiis per universum orbem consecratis. Haec, et alia pene innumera prodigia, quae in hoc latent sacramento, obscurum adeo illud reddunt, ut si sensus ad eius veritatem attestandam accersantur, sententiam suam contra illud incunctanter profert: visus testatur se panem videre; auditus cum frangitur hostia, panis rupti fragorem sentit; odoratus panis odorem se percipere ait; gustus panis saporem se degustare non diffidetur; tactus denique panem tangere certo sibi suadet. Quod si intellectum iudicem constituamus, sane, cum eius cognitio ortum ducat a sensibus, adeo ut Aristoteles dicat (lib. 3. de anim. cap. 4): *Nihil est in intellectu, quin prius fuerit in sensu, nisi alioquin superno lumine divinitus illustretur, sensuum sententiam latam confirmabit*. Atque hoc humanae rationis iudicium sequentes olim Hebraei, audientes Christum dicentem (Ioa. 6): *Caro mea vere est cibus*, continuo dixerunt: *Quomodo potest hic nobis carnem suam dare ad manducandum?* Immo, et Discipulos d. Ioannes testatur, verba illa protulisse: *Darius est hic sermo, et quis potest eum audire?* Refert Plutarchus (in L. de curios. vitand.), Athenis Aegyptum afferentem rem quandam pallio involutam, dum a graeco quodam interrogaretur, quid illud esset, quod pallio coopertum portabat, respondisse, *ideo obvelatum est, ut tu necias*. Non secus placuit Christo Do-

mino ita se obvelare sub pallio specierum panis, et vini, ut non solum sensus quantumcumque perspicax, sed nec discretissimus intellectus, etiam angelicus solus virtibus naturae illud percipere valeat. Quare opus nobis est, divum Paulum imitari, ut sicut ille cum a iudice Festo dissonant contra se sententiam ferri audiret, ad Caesarem appellavit, dicens (Act. 25): *Caesarem appello, ad Caesaris tribunal sibi mihi me oportet iudicari*; ita et nunc nobis faciendum est, cum sensus, et intellectus naturalis solum suo lumine inintentes, sententiam tulerint contra veritatem praesentiae Christi, et absentiae panis in hoc sacramento, ad tribunal Ecclesiae catholicae nobis appellandum est: illa enim veram sententiam ferret, ut re vera illum tulit per varia Concilia, praesertim tamen per sacrum Concilium Tridentinum (sess. 13. c. 1): sicut enim olim subsecutum illud aenigma proponente Sansone (Jud. 14), de comedente excavit cibus, et de forti egressa est dilectio, omnes illud ignorarunt, quousque Dalia eius sponsa illud propagavit eis: unde ipse Sanson dixit illis: *Si non arassetis in eculis meis, non cognovissetis propositionem meam*; non dissimiliter si Ecclesia catholica dilecta Dei sponsa nobis tanquam veritatem a Deo revelatam, et a Christo Domino prolata non proposuisset, certe propositio illa, *Caro mea vere est cibus*, omnino nobis ignota esset. Verba autem, quibus Ecclesia catholica in praecellito loco Concilii Tridentini (ses. 13. c. 1), varia huius sacramenti mysteria nobis reserat, haec sunt: *Principio docet sancta synodus, et aperte ac simpliciter profiteretur in almo sanctae Eucharistiae sacramento post panem, et vini consecrationem, Dominum nostrum Iesum Christum verum Deum, et atque hominem vere, realiter, ac substantialiter sub specie illarum verum sensibilibus contineri*. Illis quidem verbis tot Haereticorum deliramenta confutantur, quod catholica dogmata in eis continentur. Docet enim primo Concilium, post consecrationem Christum adesse huic sacramento, quod negant Lutherani; docet deinde virtute consecrationis fieri hanc praesentiam Christi sub speciebus contra haereticos Ubiquistas, qui eo, quod verbum ubique adest, putant corpus illi unitum ubique etiam adesse; docet rursus Concilium, substantiam corporis Christi vere, hoc est reipsa, et non in signo, et figura esse in hoc sacramento, cuius contrarium impie venditant sacramentarii: ait praeterea Concilium, Christi corpus realiter hic adesse, ut confutet errorem Calvinistarum asserentium solum esse hic, prout fide apprehenditur, quod et affirmare non fuit veritus Zuinglius in confessione ad Carolum, ut auctor est Beza (in lib. de coena Dom. cont. Uestophalum c. 9). Adit tandem Concilium substantialiter adesse Christum sub speciebus, tum ad refellendum commentum quoddam Calvinistarum, somniantium sub speciebus adesse quandam virtutem, seu vigorem a Christo in accidentia panis dimanantem, non vero propriam eius substantiam; tum, ut manifestaret modum existendi Christi non esse per modum extensionis in ordine ad locum, sed per modum substantiae

exhibet, alium promittit fructum in posterum, cum praesentis vitae terminus adfuerit. Itaque quemadmodum medicina, et experientia docet, esse veneni genus, quod sumptum non repellit, sed praescripto temporis spatio mortem inferat, sicut et pharmaca, quae non statim, sed aliquo dierum intervallo integram inducunt valetudinem; nihilominus tamen, quando venenum mors sequitur, vel propter pharmacum olim acceptum acquiritur salus, veneno et pharmaco hos effectus attribuimus; sic quamvis cibus hic non afferat corporibus illum digne manducantibus praesentem immortalitatem, illam tempore suo adducet; immo statim incipit corpora nostra disponere ad eam, quam pollicetur aeternitatem; quod s. Irenaeus (*l. 4. cont. haeret.*) acute ostendit, cum Sacramentum *quo semen vitae aeternae nuncupavit*: quoniam quemadmodum semen non statim ostendit virorem, et pulchritudinem, quam postea habebit, cum in arbore creverit, tuncque flores, et fructus producit; ita divinum hoc Sacramentum non illico donat aeternitatem, sed illam promittit in tempus, quo adveniente cognoscet iustus, et beatas, se illam debere acceptam huic divino Sacramento. Verum tamen est, hunc effectum non semper ab omnibus, qui illud receperunt obtineri, non quidem Sacramenti defectu, sed quia, cum in gratia non confirmet, nisi cum gratia accedentes, potest qui illud sumpsit, gratiam subinde perdere ob peccatum denuo commissum, atque ita moriens in peccato, consequenter optatum gloriae suae non assequi. Difficultati, quae a nonnullis opponitur, dicentibus, quod immortalitas, et gloria debetur ex iustitia illis, qui propriis meritis orant, et in gratia Dei moriuntur, iuxta illud Apostoli (*2. Tim. 4.*): *Reposita est mihi corona iustitiae*: ideoque huiusmodi gloriam, et immortalitatem non Eucharistiae sacramento, sed cuiusque meritis ascribi, et assignari debere: responderetur, non esse inconveniens, qui digne communicaverit, hac etiam de causa accipere eandem gloriam, quae aliis de causis, et titulis ei debebatur, quod gloriae genus erit singulare, etsi accidentale ipsi beato, sicut nunc est et Christo: nam gloria corporis, quae sibi debebatur ratione unionis personalis cum Verbo propter suam ipsius beatam animam, data et quoque fuit titulo meriti, et ratione iustitiae, quod non parvo augmento gloriae accidentalis ipsi Christo est; cui sit honor, et gloria in saecula saeculorum. Amen.

HOMILIA XXIV.

Itacuta praecipua, quae in hoc sacramento concurrunt, mystico sensu explanantur, et quanta sit varietas virtutum, quas in eo docet Christus, aperitur.

Doctrina est inter philosophos probatissima, et nemini non cognita, amoris, et bonitatis similem esse naturam, cum tam ille, quam haec, appetant sui ipsius communicationem: amor enim amato, et bonitas egentis se imperire cupit. Quod ut veteres significarent, nudum depinxerunt amorem, quasi seipsum bonis omnibus expoliasset, habentem a zona pendens marsupium non clausum, ad innendendam misericordiam, et eximiam liberalitatem. Quod autem bonitas eiusdem conditionis, ac naturae cum amore sit, praeterquam experimento probatum est, certum id etiam facit vulgatissima Dioysii sententia, a quo illam s. Thomas usurpavit: *Bonum est sui diffusivum*; inslar vas is aqua pleni, et redundans, vel potius inslar fluminis Nili alevum egredientis, et Aegypti agros irrigantis: tantaque est bonitatis proclivitas ad se communicandum, ut si quando retardetur hic impetus, ut si impediatur, vim illam aegre ferat, ac erumpat tandem, prosterens impedimentum, ut se in egenos libere, et copiose diffundat. Cum igitur ratio hinc in supremo gradu perfectionis in Deo sit, planum est, non minus excellenter in ipso esse voluntatem se communicandi; et cum sit infinite bonus, infinite quoque ipsum esse communicativum oportet. Et quamvis verum est, quod Pater communicans Filio divinam sui ipsius naturam, et eandem utique Spiritui sancto, ostenderant bonitatem suam infinitam; illa fuit naturalis, et necessaria communicatio, in Deo, et intra Deum occulte facta, ideoque a Theologis appellata communicatio ad intra: unde supererat, ut Deus incomprehensae bonitatis suae magnitudinem infinitam, per communicationem ad extra, sive, ut loquuntur, in ordine ad creaturas declararet. Quare factum ab eo est, ut divina persona humanitati Christi supponeretur, ita ut Deus esset homo, et homo fieret Deus, et consequenter Dei operationes humanae, et hominis divinae dicerentur: quod genus communicationis ante id tempus fuerat inauditum. Hac tamen liberalitate, qua se qualem Deum homini communicaverat, non contentus, invenit modum, quo se quoque quatenus hominem communicaret, ita ut, sicut divinum Verbum suum esse divinum humanitati Christi impertiverat, sic etiam factus homo suum esse humanum nobis communicaret, pro victa, et potu corpus suum, et sanguinem pretiosissimum exhibens. Unde factum, ut quemadmodum per illam Dei personalem unionem ipse Deus homini, et homo Deo se inseruit, unumque corpus, Dei et hominis effectus; ita per spirituales huius divini sacramenti unionem, Christus animae, et anima Christo co-

mulatur, et inseritur, quae virtute illius producit fructum operum, arbore, cui insita est, dignorum. Ad hunc gignendum fructum, primum huius sacramenti miraculum est, conversio panis in corpus Christi, virtute verborum, quae sacerdos personam Christi gerens pronunciat: post quorum verborum prolationem non amplius iam illic panis substantia, sed eius imago est: sicut quando regis Saul satellites ad comprehendendum Davidem missi non illum, sed statum Davidi similem invenerunt. Nam revera per illam mirabilem conversionem suum esse perditum panis, et vinum; non tamen per corruptionem, ut res naturales: nam ut philosophia docet: *Corruptio est desitio formae in subiecto*; manet igitur in corruptione pars compositi illius, quod corruptum fuit. Hinc docemur in sensu mystico, quod mors veteris hominis in nobis ipsis, et inheritus portentosi monstri tolli scelerum, et affectuum inordinatorum, quibus trahimur, non esse debet per corruptionem, ita ut pars vitiorum vigeat, et pars interliratur, id enim non esset integrum servire Deo servitulem, sed sequi mores foeminae illius coram Salomone dicentis (*3. Reg. 1.*): *Nec mihi, nec tibi, sed dividatur*. Sunt autem non pauci, qui hoc imperfectionis vitio laborant, utentes divisione cordis, dum partem detractionibus, partem piis meditationibus, partem delictis eluendis, partem quoque patrandis impendant. Id qui faciunt, imitantur Philistaeos, qui arcam Dei ponebant prope Idolum Dagon, cui partem cultus, et reverentiae, quae arcae debebatur, impie deferebant. Deus autem, ut ostenderet, quam sibi esset molestum, arcam pariter, et Idolum adorari, dividique debitam sibi soli reverentiam, effecit, ut arca Idolum diceret, ac prostreretur. Nec desinit in hoc sacramento esse panis per annihilationem, ut loquuntur gravissimi Theologi: nam quae sic commutatur, desinunt in nihilum, et penitus evanescent; panis vero, qui erat ante consecrationem, non reductur ad nihilum, sed in corpus Christi convertitur transmutatione mirabili, et conversione, quam aptissimo vocabulo s. Synodus Tridentina vocavit *Transubstantiationem*. Talis esse debet nostra mutatio, et morum reformatio, non ut tantum culpae veteres esse desinant, sed ut ad virtutem transeamus, et Christo conformemur, sicut Propheta praecipit (*Psal. 36.*): *Declina a malo, et fac bonum*; ut hoc modo imilemur Apostolum in animae reformatione, cum dixit (*Gal. 2.*): *Vivo ego, iam non ego, sed vivit in me Christus*; quasi dixisset, non satis esse puto a malo declinasse, culpas effugiens, et imperio legis Dei meos subiciens motus, et affectus inobedientes, in me olim libere regnantes; sed facere bonum studeo, et ita progredi in stadio virtutis, ut Christo conformis, ac magis in me ille, quam egomet in me ipso, vivat. Aristoteles (*in Phys. et in lib. de gener. lib. 2.*) docet, esse in conversione naturali terminos duos, unum a quo, et alterum ad quem; ille deseritur, et hic acquiritur: inter quos talis est ordo, ut prius intelligamus reliqui terminum a quo, quam acquiri terminum ad quem. Exempli gratia, qui Toletio proficiscitur Hispalim,

prius Toletio egreditur, quam Hispalim accedit; sic in spiritali conversione animae in Christum: nam primum ableganda est omnis culpa, et omnino deserenda, tamquam terminus, a quo digredimur, ac postea faciendus transitus est ad reformationem in Christum, qui est terminus ad quem, et cui anima coniuncta, tamquam in centro suo, et ultimo termino, manet, et quiescit. Nos autem volumus secundum, et renuimus primum (*2. Cor. 5.*): *Notumus spoliari, sed supervestiri*; quod non ita fieri debet, sed necesse est obedire Apostolo dicenti (*Eph. 4.*): *Exuentes veterem hominem, induite novum, qui secundum Christum creatus est*. Ex hac mirabili panis in Christi corpus conversione, tamquam ex fonte manant alii mirabiles effectus, quibus si anima corpori Christi communicantis ornaretur, magnum fructum, vel sola una corporis Christi communicatio afferret. Consideremus igitur in primis, quod Christo suo accidentibus existente, iam illa non pendunt quoad suam conservationem a creaturis, sed a solo Christo, a quo tamquam causa effective ea conservantur habent sustentaculum; discalque anima non a rebus pendere mortalibus, non ab honore, vel gratia principum, non a divitiis, et voluptatibus, seu aliis huius saeculi bonis, sed in solo Creatore suo, et Domino spem suam figat, ad eum semper mentis oculos revocet: ipse namque est vera fortitudo, et felicitas; reliqua omnia, quae mundus miratur, inania, falsa, et debilia sunt.

Ad quod innuendum antiqui pingebant puellam pubibus amictum, quae sponsa foras erat adulteri Ixionis, cui fabulati sunt Poetae datum fuisse uxorem Iunonem de nube formatam, illamque cum vellet amplecti, ab eo non inventam, sed vaporem adeo tenuem, ut manibus apprehendi non poterit. Id accidit a spe fallaci, et inani penditibus, favoresque humanos sectantibus; qui nubibus similes facile vento rapiuntur, et evanescent. Unde sapienter dictum: *Spes vigilantium somnus*. Consideremus in hostia, et in quavis eius parte Christum esse praesentem, et discamus praebere locum eidem intra cor nostrum, intellectum, memoriam, et voluntatem, dirigentes ad illum omnia studia, cogitationes, actiones (*Heb. 12.*): *Aspicientes in aeternum, et consummatorem Iesum Christum*, tamquam nostrorum operam regulam, quae fallere non potest, nec falli, ab imperio eius nec transversum, ut aiunt, unquam deflectentes. Hoc diligenter curabat insignis, et inclyta regina Navarrae Margarita, quam refert Claudius Paradinus in quadam emblemate, cui titulus, *Verum heliotropum*, usurpasse pro insigni, et stemmate, florem, quem solis vocant: quoniam sole oriente folia pandit, occidente claudit, dumque in coelo est, illum intuetur, et pariter gyrum agit. Epigramme emblematis erat. *Non inferiora secuta: non vilibus, et caducis saeculi rebus, sed permanentibus, et divinis studeo. Idem facilitate debet, qui virtuti studet: prospiciat semper iustitiae solem Christum, et non solum praebens adiutum in corde, sed in omnibus actionibus suis opera sua non minus reverenter, et religiose*

